



INUIT politikki

Kommune Qeqertalimmi aqqissuussaaneq nutaaliaavoq pisariitsoq, inooriaasitsinnut kulturitsinnut, kinaassutsitsinnut nunarsuarmioqataanitsinnut tulluuttumik aqqissuussaasoq.

Aqqissuussaannermi tunngavipput innuttaasunut sullissinermi toqqammavigaarput. Angusaqarumalluni sulineq, ataqqeqatigiilluni ammasumik ingerlanneqarnissaa siunertaavoq. Taamaattumik Kommune Qeqertalimmi INUIT politikkia sananeqarpoq inuttaasunut tamanut atuuttussanngorlugu.

- Innuttaasugut toqqissisimasuulluta, timikkut tarnikkullu peqqissuulluta, nammineersinnaassuseqarluta, ataqqinassuseqarluta ineriartoqatigiinnissamut ineriartornermut Kommune Qeqertalimmi kivitseqataanissarput politikikkut anguniagaavoq.
- Innuttaasugut imminut pilersorsinnaanerput , aqussinnaanerput, tunniutiinnajanngitsuunerput pingaartillugu , imminut pilersorsinnaanermik aallussilluta , suliatinnut akisussaassuseqarluta ingerlatsinerput Kommune Qeqertalimmi pingaartitatut tunngavigaarput.
- Meeraagutta, inuusuttuugutta, inersimasuugutta utoqqaaguttaluunniit peqatiserineqarpugut Kommune Qeqertalik qanimut suleqatigalugu suleqataanissatsinnut.
- Inuuneq pitsaasoq anguniarlugu, innuttaasutut immikkut soqutigisallit, peqatigiiffiit, suliniaqatigiiffiit, sunngiffimmi soqutigisallit, kulturerput ,naleqartitagut, nutaaliortuarnerillu pingaartitalugit ineriartortitsinermi Kommune Qeqertalimmi ataatsimut suleqatigiissaagut.



- Inuttut inerikkiartornissatsinni, piginnaasatsinni, pisinnaasatsinnilu ilisimasat tunngavigalugit nalilersuutit aallaavigalugit aqutissiuunneqarnissarput ingerlanneqartassaaq. Nunatta nunarsuarmioqataasutut isumaqatigiissutit peqataaffigilersimasaat timalissallugit.
- Innuttaasut annertuumik ikorfartorneqarnissaminnut pisariaqartitsisut, immikkut sullinneqartariaqartut Kommune Qeqertaliup suliassaqarfiit tamaasa peqatigalugit ulluinnarni inuunerannut immersuilluarnissamik siunnerfeqartumik sullissineq suleqatigiissutigissavaa.

Kommune Qeqertalimmi INUIT politikki akuerineqarpoq marts 2020